



COV LUS NOOG TAGS LI

Rau cov Wisconsin Badgers Hluas thiab lawv tsev neeg

TEEV NTAWV TSO NPE NKAG TUAJ RAU HAUV UW-MADISON

UW-Madison xyuas daim ntawv teev tso npe li cas thiab cov mej yig (tub ntxhais kawm ntawv) yuav tsum ua dab tsiau muaj nyob hoob 6-8 thiab 9-12?

UW-Madison kev xyuas daim ntawv teev tso npe tuaj nkag txog ntau yam. Cov mej yig uas nws sim nws tus kheej ua cov kev kis las los ua si muaj nyob tom tsev kawm ntawv tas li yog cov yuav muaj kev sib xeem zoo thiab yuav yog cov yuav kawm tau nyob hauv lub tsev kawm ntawv. Nov muaj xws li: kawm cov hoob *honors, advanced placement (AP)*, thiab *International Baccalaureate (IB)* (cov tseem ceeb nyob rau hauv lej, Askiv, kev tshawb ntsuam kawm (*science*), keeb kwm yam tas (*social science*), thiab lwm yam ntawv/lus) thiab tau qhab nia A/B rau cov hoob no; xeem tau zoo; thiab muaj kev ua lwm yam xws li (koom nrog kev kis las, ua hauj lwm, pab tsev neeg, ua tus coj).

Ntawv teev tso npe tuaj nkag xa thaum twg?

Rau Cov Tseem Yuav Tuaj Pib Thawj Xyoo: Ntawv teev tso npe tuaj nkag rau lub caij ntug tsaug xa ua ntej lub Kaum Ib Hlis xiab 1 rau Xyuas Ntxov thiab lub Ob Hlis xiab 1 rau Kev Txiat Txim Xyuas rau Tag Nhro. Ntawv teev tso npe pib caij ntuj tshiab xa ua ntej Kaum Hli xiab 2.

Rau Cov Mej Yig Pauv Lwm Qhov Los Nkag: Cov ntawv teev tso npe nkag rau lub caij ntuj tsaug xa ua ntej Ob Hlis xiab 1 rau Xub Xyuas Ua Ntej Txiat Txim thiab Peb Hlis xiab 1 rau Txiat Txim rau Tag Nhro. Cov Ntawv teev tso npe nkag lub caij ntuj tshiab xa ua ntej lub Kaum Hli tim 16.

Kuv yuav tau teev dab tsia tso npe?

1. Daim ntawv txais nkag/Qhia txog koj (*Admissions application*)
2. Them tus nqej ua ntaub ntawv (*Application fee*)
3. Cov ntawv qhab nia (*Official transcripts*)

- Peb yuav yuav tag nhro cov ntawv qhab nia tom high school. Yog mej yig kawm ntawv qib siab lub sij hawm kawn high school yuav tsum xa ntawv qhab nia thod tsev qib siab tuaj thiab. Cov ntawv qhab nia no yuav tsum xa ncaj nraim tom lub tsev kawm ntawv tuaj.

4. Cov qhab nia xeem tau (*Official test scores*)

- Yuav tsum muaj cov qhab nia *ACT* los *SAT* thiab yuav tsum xa ncaj nraim ntawm lub koos haum xeem tuaj.
- Cov tso npe tuaj nkag thawj xyoo uas tuaj cov teb caws tsis hais lus Askiv yuav tsum muaj daim qhab nia *TOEFL* los *IELTS*.

5. Ob daim ntawv tus mej yig sau (*essays*)
6. Yuav tsum muaj ib daim ntawv lwm tus sau qhuas (*recommendation*)

Yog kuv xav tso npe rau tshaj ib lub tsev kawm ntawv hauv UW System, kuv yuav tib zaug tso npe rau cov tsev kawm ntawv hauv UW System los nyias tso nyias?

Mej yig siv tau daim ntawv UW system los Common Application tuaj nkag UW-Madison. Peb tsis saib ib daim tseem ceeb tshaj ib daim. Txhua daim ntawv tso npe yuav tau them \$60; tab sis, yog mej yig xav tau kev pab them tus nqi ntawm daim ntawv tso npe, yeej muaj kev pab. Mej yig yuav tau teev ib daim rau txhua lub tsev kawm ntawv thiab them.

Twg yuav tau tuaj rau hauv UW ua ntej? Cov mej yig nyob hauv Wisconsin los tawm sab nraum lub xeev?

Raws ib lub tsev kawm ntawv yog pej xeem tug thiab muaj npe hauv xeev - peb muaj lub luag hauj lwm txais cov mej yig nyob hauv xeev kom txog li 3,600, los li 50 feem pua, ntawm cov mej yig tuaj tshiab uas yog cov neeg nyob hauv xeev Wisconsin.

KEV THEM NQI KAWM NTAWV

Kuv yuav teev ntawv thov nyiaj ua ntej los tom qab kuv teev daim ntawv tso npe tuaj nkag?

Daim FAFSA (daim ntawv teev dawb thov nyiaj pab) muaj txhua xyoo pib lub Kawm Hli xiab 1 rau xyoo kawm ntawv tom ntej (xws li, teev lub Kaum Hli xiab 1, 2019 rau lub caij kawm ntawv xyoo 2020-21).

Cov mej yig mus teev daim ntawv nyob online hauv fafsa.ed.gov ua ntej los tom qab xa daim ntawv teev tso npe tuaj nkag. Nco tias cov nyiaj tsev neeg tau (xws li, federal income tax) yog siv daim ua se ob xyoo tas.

“Thawj-tiam” thwm yog li cas?

“Thawj-tiam” University of Wisconsin System txhais tias niamb thiab txiv tsis tau kawm tiav plaub (4) xyoo qib siab (xws li daim ntawv pov thawj tiav plaub xyoos los ntawm ib lub tsev kawm ntawv).

Qhov Bucky’s Tuition Promise yog dab tsia?

Bucky’s Tuition Promise muaj nyiaj lwm qhov chaw thiab nom tswv muab pab them tus nqi qhia ntawv thiab lwm yam nqi tsub nrog nqi qhia ntawv rau cov mej yig nyob hauv Wisconsin uas tsev neeg tau nyiaj \$60,000 ib xyoo los tsawg tshaj. Cov tuaj nkag tshiab yuav tau txais nyiaj pab 8 lub semesters sib tiv hos cov pauv lwm qhov los yuav tau txais nyiaj pab 4 lub semesters.

Qhov FASTrack program yog dab tsi?

Qhov FASTrack program tsim los rau cov mej yig tuaj thawj xyoo uas nyob hauv Wisconsin. Qhov no yuav pab tag nrho li tus mej yig yuav tau (raws li, xyuas los ntawm nws daim ntawv teev thov nyiaj, FAFSA) raws li lwm qhov pab, nyiaj nom tswv muab, thiab nyiaj yuav tau ua haujlwm thiab tau. Tag nrho cov mej yig uas teev daim ntawv thov nyiaj FAFSA yuav muab xyuas rau qhov no tib si thiab tsis tau teev daim ntawv thiab thov. Cov mej yig uas tau qhov Federal Pell Grant thiab yog thawjtiam mus kawm ntawv qib siab, thiab/los tsev neeg tau txais nyiaj pab los ntawm nomtsvw (xws li, SNAP, noj mov dawb/los tau nqi txo them nqi mov) yuav tau qhov nyiaj pab no.

Kuv puas yuav tau txais Bucky's Tuition Promise, Badger Promise, thiab/los FASTrack yog kuv yog ib tug tsis tau muaj hnub nyooq thaum tuaj teb chaws no (DACA) los yog ib tug mej yig tsis muaj ntaub ntawv?

Tsis tau. Txhua qhov saum no yuav tsum yog neeg nyob hauv xeev Wisconsin, xyuas raws xeev txoj cai, uas tsi muab rau DACA los mej yig tsis muaj ntaub ntawv raws txoj cai. Txhua qhov kuj kom teev daim FAFSA, uas cov neeg DACA los mej yig tsis muaj ntaub ntawv teev tsis tau. Tiam sis, muaj ntawv yam nyiaj pab tsawg me ntsis cov mej yig thov tau uas tsis kom teev daim FAFSA.

Cov mej yig tuaj txawv teb chaws los tsis muaj ntaub ntawv thov puas tau nyiaj pab?

Cov mej yig tsis muaj ntaub ntawv los tuaj txawv teb chaws teev tsis tau daim FAFSA tiam sis tej zaum kuj tau cov nyiaj pab lwm qhov pab dawb. Rau lus muaj nug, hu rau 608-262-3060, los xa email rau finaid@finaid.wisc.edu.

Ib tug kws pab tswv yim (high school counselor) hauv lub tsev kawm ntawv puas yog tus nug tau txog cov nyiaj pab?

Yog, thiab kuj noog peb tau tib yam. Peb txais tos txhua nqe lus nug txog nyiaj txiag pab, txawm tias tus mej yig ntawd tsis npaj tuaj kawm ntawv hauv UW-Madison. Cov mej yig thiab lawv tsev neeg soj raws peb qab hauv Twitter ntawm @UWMad_FinAid los sis mus saib hauv peb lub website financialaid.wisc.edu txog cov kev qhia thiab cajj cia li tuaj ntsib thiab qhov chaw qhia rau cov mej yig thiab lawv tsev neeg uas xav paub ntxiv.

UW-Madison puas muaj nyiaj pab them nqi kawm ntawv?

UW-Madison pab nyiaj ntawv tshaj \$29 lab txhua xyoo rau cov mej yig uas kawm ntawv qib siab. Cov nyiaj pab no feem ntawv yog muaj pab rau cov mej yig kawm ntawv zoo los ua tiav ib yam dab tsi tseem ceeb rau ib feem kev kawm ntawv. Yog xav paub ntxiv, mus saib tau ntawm Wisconsin Scholarships Hub (WiSH): wisc.academicworks.com los peb lub website sab qhia nyiaj txiag muaj pab financialaid.wisc.edu/types-of-aid/scholarships.

Puas zoo rau cov mej yig ua hauj lwm me me (part-time) thaum lawv kawm ntawv?

Ua hauj lwm me me thaum kawm ntawv hauv UW-Madison yog ib qho pab rau kev yuav ua tau zoo yav tom ntej. Cov mej yig kawm txog lub tsev kawm ntawv thiab ib tsoom ntawm ib cig, cog kev phoog ywj, kawm tau lwm yam kev txawj tshiab, paub kev ua hauj lwm—thiab tseem khwv tau nyiaj los siv.

KEV KAWM

Koj kawm tau txog yam dab tsi hauv UW-Madison?

Yuav luag txhua yam! Peb muaj 140 yam (*majors*) nyob rau hauv yim lub tsev kawm ntawv muaj kawm plaub xyoos (*undergraduate schools/colleges*). Peb tseem muaj cov ntawv pov thawj (*certificates*) txog ntawv yam uas lwm ceg kawm ntawv muab uas hu ua “minors.” Tshawb xyuas ntxiv hauv: wisc.edu/academics.

KEV NYOB KAWM NTAWV (CAMPUS LIFE)

Nws puas muaj kev yooj yim koom thiab ntsib neeg tshiab?

Peb muaj ntawv tshaj 900 lub mej yig cov koos haum; Big 10 Badger kis las, kis las hauv tsev kawm ntawv thiab koos haum khiav kev kis las; kos duab thiab ua yeeb yam xws li yeeb yam rau saum sam thiab (*concerts*), neeg ua yeeb yam tso dag, thiab saib yeeb yaj kiab hmo ntuj; nrog rau ntawv tso dag, thiab sim tej yam tshiab!

Cov mej yig puas yuav tsum tau nyob hauv thaj tsam lub tsev kawm ntawv?

Yuav tsis kom cov mej yig nyob hauv thaj tsam lub tsev kawm ntawv, tiam sis 95 feeb pua cov mej yig kawm thawj xyoo kuj nyob hauv lub tsev kawm ntawv. Lub tsev kawm ntawv muaj 19 lub tsev nyob rau hauv thaj chaw kawm ntawv thiab ntawv tsev xauj ib ncig ntawm lub tsev kawm ntawv, li no nws yuav txawv saib tus mej yig xav nyob rau thaj tsam twg.

XAV PAUB NTXIV

Kuv yuav kawm tau ntxiv txog UW-Madison li cas?

Peb muaj cov sij hawm coj neeg ncig thiab qhia teev ntawv tso npe tuaj nkaj dawb rau txhua asthiv thiab tej hnub Zwj Cag / vas xam. Cov kev piav qhia thiab coj ncig no yuav qhia rau koj txog lub tsev kawm ntawv, kev pab muaj rau cov mej yig, chaw pab, thiab kawm txog lub tsev kawm ntawv (*Badger country*) rau koj tus kheej. Mus saib hauv info.wisc.edu ntxiv.

Yog kuv muaj lus noog txog kev ua / teev daim ntawv tso npe tuaj nkag lub tsev kawm ntawv, kuv yuav hu tau rau leej twg?

Mej yig xa tau ntawv cuag tau lub Office of Admissions and Recruitment ntawm onwisconsin@admissions.wisc.edu.



WISCONSIN
UNIVERSITY OF WISCONSIN-MADISON